

Atortut ilaasa avatangiisinut sunniutaannik nalilersuineq aamma avatangiisinik nakkutilliinermut akiliutit pillugit Namminersorlutik Oqartussat nalunaarutaat nr. 5, 27. marts 2013-meersoq

Avatangiisinik illersuineq pillugu inatsisartut inatsisaat nr. 9, 22. november 2011-meersumi, inatsisartut inatsisaatigut nr. 1, 29. maj 2012-meersumi allanngortinneqartumi § 10, imm. 1, nr. 8, § 10. imm. 1, nr. 20, § 42, § 48, § 66, imm. 3 aamma § 67, imm. 1 malillugit aalajangersarneqarpoq:

Siunertaq atuuffialu

§ 1. Nalunaarummi siunertarineqarpoq:

- 1) atortut avatangiisinut sunniutigisinnaasai pillugit Naalakkersuisut pisariaqartunik paasissutissanik pissarsinissat qulakkeerneqassasoq, taamaalilluni pilersitsinermut akuersissummik tunniussisoqassanersoq, atortut nalunaarummut matunga ilaasut allilerneqassanersut imaluunniit allanngortinneqassanersut pillugit Naalakkersuisut aalajangiinissaannut tamakkiisumik tunngavissaqarlutik,
- 2) atortut avatangiisinut ajortumik sunniuteqarnissaannik millisitsisinnaasunik akuersissumi piumasaqaatit aalajangersarnissaannut Naalakkersuisut paasissutissanik pisariaqartunik qulakkeerunneqarlutik, aamma
- 3) aalajangiiniarnermi innuttaasut peqataatinneri qulakkeerlugu suleriaatsinik aalajangersaasoqarnissaa qulakkeerneqarluni.

§ 2. Nalunaarut atortunut pissutsimikkut, angissutsimikkut imaluunniit inissinneqarnermikkut avatangiisinut annertuumik sunniuteqarsinnaasut naatsorsuutigineqarsinnaasunut atussaaq, aamma nunap killeqarfii apeqqutaatinnagit.

Imm. 2. Nalunaarummi matumani avatangiisinut sunniuteqarneq paasineqassaaq sikumut, imermut, silaannarmut, nunamut, qaqqamut, silap pissusaanut, nunap ilusaanut, uumasunut naasunullu, inuulluaatinut, inuup peqqissusianut kiisalu inuit nunap ilaanik atuinerannut sunniuteqarneq.

Imm. 3. Nalunaarummi matumani sanaartortitsisoq paasineqassaaq nammineq ajortumik pilersitsinissamut akuersissummik qinnuteqartoq inuk imaluunniit ingerlatseqatigiiffik, kiisalu pisortani oqartussat, atortuliornissamut suliniuteqartut.

Imm. 4. Nalunaarut nunap nunataanut aamma nuna tunngavigalugu imaani mingutsitsinermut atuuppoq.

§ 3. Nalunaarut suliniutinut aatsitassat pillugit ingerlatallu tamatumunnga pingaaruteqartut pillugit Inatsisartut inatsisaannut ilaasunut atuutinngilaq.

§ 4. Nalunaarummut matumunga ilaatinneqanngitsut tassaapput atortut nunap illersorneqarnissaanik siunertaqartut, atortumut tunngatillugu nalunaarutip atornerqarnera Naalagaaffeqatigiit isumannaatsuunissaanut ajoqusiinnaasoq Illersorneqarnissamut

ministeriaqarfik naliliippat. Illersornissamut ministeriaqarfik pissutsit aalajangersimasut, ilaatinneqannginnissamut tunngavilersuisut pillugit Naalakkersuisunut nassuiaammik tunniussisinnaavoq.

Nalinginnaasut

§ 5. Ilanngussaq 1-imi allassimasup atortussap nutaap pilersinnissaa sioqqullugu § 8, imm. 1 naapertorlugu tamatuma akuerineqarnissaa pillugu sanaartortitsisoq Avatangiisinut Naalakkersuisumut qinnuteqassaaq.

Imm. 2. Ilanngussaq 1-imi allassimasup atortooreersup allanngortinneqarnissaa imaluunniit allilerneqarnissaa sioqqullugu sanaartortitsisoq Avatangiisinut Naalakkersuisumut allakkatigut nalunaaruteqassaaq.

Imm. 3. Atortup nutaap pilersinneqarnissaa, kiisalu ilanngussaq 2-mi allassimasup atortooreersup allilerneqarnissaa imaluunniit allanngortinneqarnissaa sioqqullugu sanaartortitsisoq Avatangiisinut Naalakkersuisumut allakkatigut nalunaaruteqassaaq.

Imm. 4. Imm. 2-mi aamma 3-mi nalunaaruteqarneq ilanngussaq 3-mi piumasagaatit aalajangersarneqartut akissuteqarfiginissaannut paasissutissanik tamanik imaqaassaaq.

Imm. 5. Imm. 2-mi aamma 3-mi nalunaarutigineqartunut tunuliaqutaralugit imm. 4-mi paasissutissat tunuliaqutaralugit § 8 naapertorlugu sanaartortitsisoq qinnuteqaammik tunniussissanersoq Avatangiisinut Naalakkersuisoq aalajangiissaaq.

§ 6. Avatangiisinut sunniutinik nalilersuinissamut immikkorluinnaq pisariaqartitsisoqartoq naliliisoqarpat atortussamik pilersitsisoqarnissaa, allilerisoqarnissaa imaluunniit allannguisoqarnissaa sioqqullugu sanaartortitsisoq Avatangiisinut Naalakkersuisumit peqquneqarsinnaavoq § 8 malillugu qinnuteqaammik nassiussissasoq, naak atortoq ilanngussaq 1-imi imaluunniit 2-mi allassimanngikkaluartoq.

Imm. 2. Imm.1 malillugu peqqussuteqarnermi Avatangiisinut Naalakkersuisoq qinnuteqaammik tunniussinissamut piffissamik aalajangiisinnaavoq.

Imm. 3. Imm. 1-imut ilaapput atortut tassungalu ikkussorneqartut, nalunaarutip atulersinnerani Kalaallit Nunaanni naatsorsuutigineqanngitsut, taamaattumillu ilanngussaq 1-imi aamma 2-mi allanneqarsimanngitsut, imaluunniit ilisimasat nutaat takutissimallugu atortut ilaat naatsorsuutigisamiit avatangiisinut annertunerusumik sunniuteqartut.

§ 7. Ilanngussaq 1-imi aamma ilanngussaq 2-mi allanneqarsimasunik atortunik tassungalu atasunik ikkussukkanik pilersitsineq, allilerineq imaluunniit allanngortitsineq aallartinneqassanngilaq Avatangiisinut Naalakkersuisoq allakkatigut:

- 1) akuerineqarnissaaq pillugu qinnuteqaasiornissaaq pillugu piumasagaatinut atortussaq ilanngitsoq sanaartortitsisumut nalunaaruteqaqqaartinnagu, § 5, imm. 5 naap., imaluunniit
- 2) § 19 malillugu akuersissummik nalunaaruteqaqqaartinnagu.

Akuersissut pillugu qinnuteqaat

§ 8. Atortumik pilersitsinissamut, allilerinissamut allangortitsinissamulluunniit akuersissut pillugu § 5, imm. 1, § 5, imm. 5 aamma § 6, imm. 1 malillugu qinnuteqarneq atortup avatangiisinut sunniutaanik naliliinermik (ASN pillugu nassuiaat) imaqassaaq aamma sanaartortitsisumit allakkatigut Avatangiisinut Naalakkersuisumut tunniunneqassalluni.

Imm. 2. Imm. 1 malillugu qinnuteqaammik tunniussinermi sanaartortitsisup §§ 9-13-mi aalajangersakkat qimerluussavai.

Avatangiisinut Sunniutinik Naliliinermik (ASN pillugu) nassuiaat

§ 9. Sanaartortitsisoq ASN pillugu nalunaarummik suliaqarnissaa sioqqullugu sanaartortitsisoq peqqissaartumik pilersaarusiussaaq (Terms of reference), tassunga ilanngullugu avatangiisini pissutsinik misissuinissamut pilersaarutit. Pilersaarut taanna ASN pillugu nassuiaatip suliarinissaata aallartinnissaa sioqqullugu Avatangiisinut Naalakkersuisumit akuerineqassaaq.

Imm. 2. Imm. 1-imi pilersaarutip taaneqartup akuersissutigineqarneranut atatillugu Avatangiisinut Naalakkersuisoq sanaartortitsisumut uku pillugit piunasaqaaateqassaaq:

- 1) sanaartortitsisoq sapaatit akunnerini arfinilinni tamanut ammasumik tusarniaalluni peqqissaartumik pilersaarusiassamut (Perms og reference) missingiut nassiutissavaa, tusarniaaneq paasissutissanik nutaanik pissarsiffiussasoq Avatangiisinut Naalakkersuisoq naliliippat, aamma
- 2) ASN pillugu nassuiaasiernerup nalaani innuttaasunik ataatsimiisitsisoqassasoq imaluunniit innuttaasut ilanngutitinnissaannut periaatsit allat ingerlanneqarlutik.

§ 10. ASN pillugu nassuiaat suliniutip avatangiisitigut sunniutaanik aaqqissugaasumik misissuinernik imaqassaaq.

Imm. 2. Nassuiaammi atortup ukununnga toqqaannartumik toqqaannanngitsumillu sunniutaanik takutitsisoqassaaq, allaaserinnittoqarluni naliliisoqarlunilu:

- 1) nunap ilaanik inuit atuinerat, tassunga ilanngullugu peqqinnissakkut sunniutaasinnaasut,
- 2) uumasut naasullu,
- 3) nuna, qaqqat, sermeq, imeq, silaannaq, silap pissusaa aamma nunap isikkua,
- 4) inuulluatissat, kiisalu
- 5) nr. 1 – 4-p akornanni ataqtigiinnerit.

Imm. 3. Imm. 2-p naammassineqarnissaanut nassuiaat ilanngussaq 4-mi paasissutissanik taaneqartumik imaqassaaq.

§ 11. Nassuiaat aamma, avatangiisinut ajortumik kinguneqartitsissasoq paasineqarpat, ajortumik kinguneqartitsinernut akornusiisinnasut sanaartortitsisumit piviusunngortinneqartussanut aaqqiissutissatut siunnersuutinik saqqummiussissaaq.

Imm. 2. Aaqqiissutissatut siunnersuutigineqartut atortorissaarutinut avatangiisinut mianerinninnerpaanik tunngaveqassapput atortup mingutsitsisinnaneraata millisinnissaa siunertaralugu aamma atortumi pineqartumi, taassuma nunani inissisimaneratigut

sumiiffimmilu avatangiisitigut pissutsitigut teknikikut ilisarnaatit sillimaffigalugit avatangiisit ataatsimut isigalugit qaffasissumik illersuisinnaaneq qulakkeerneqarluni.

Imm. 3. Avatangiisip qulakkeerneqarnissaanut nakkutilliinermi aaqqiinerit periusissallu naleqqunnerpaat atorineqassapput.

§ 12. Paasissutissat nutaat saqqummerpata, imaluunniit ilisimatusarnermi angusat nutaat imaluunniit ilisimasat allat nutaat tunngavigalugit paasissutissanik ilisimaneqareersunik naliliinerit allangortinneqarpata avatangiisinik misissuinerit tapertaasussat pillugit Avatangiisinut Naalakkersuisoq piumasaqaateqarsinnaavoq. § 19-mi taaneqartumi akuersissummi § 9, imm. 1-imi akuerineqartumi peqqissaartumik pilersaarusiame (Perms of reference) piumasaqaateqartoqarsinnaavoq.

Aningaasartuutit akilerneqarneri

§ 13. Misissuinerit pisariaqartut ingerlanneqarnerinut, aamma ASN pillugu nalunaarusiap suliarineqarneranut atorineqartut paasissutissat pissarsiarinerinut sanaartortitsisoq akisussaavoq.

Imm. 2. ASN pillugu nalunaarusiap suliarineqarneranut aningaasartuutit tamarmik sanaartortitsisumit akilerneqassapput, tassunga ilanngullugu § 9-mi taaneqartumi peqqissaartumik pilersaarusiame (Perms of reference).

Imm. 3. Nassuiaatip suliarineranut nalilersorneranullu Avatangiisinut Naalakkersuisumit pisariaqartut isigineqartunik paasissutissanik allagaatinillu tamanit sanaartortitsisoq Avatangiisinut Naalakkersuisumut tunniussissaaq.

§ 14. Nalunaarummi matumani ilaasup atortup pilersinneqarneranut, allilerneqarneranut allangortinneqarneranulluunniit akuersissummik qinnuteqaammik Avatangiisinut Naalakkersuisup suliaqarneranut naliliineranullu aningaasartuuteqarnerit sanaartortitsisumit taarserneqassapput, tassunga ilanngullugit § 9-mi taaneqartumi peqqissaartumik pilersaarusiaq (Perms of reference) kiisalu § 10-mi taaneqartumi ASN pillugu nalunaarusiaq, tassunga ilanngullugit tamanut saqqummiussinerit aamma Avatangiisinut Naalakkersuisup avataaniit siunnersorneqarneranut aningaasartuutit.

Imm. 2. Imm. 1 naap., Avatangiisinut Naalakkersuisup aningaasartuutai § 9-mi taaneqartumi peqqissaartumik pilersaarusiame (Perms of reference) tiguneqarneraniit naatsorsorneqartumik allaffimmi nalunaaquttap akunneri atorineqartut aallartinnerinut ataatsimut qallunaat koruuniinut 450-nut naatsorsorneqarput. Sanaartortitsisoq allaffimmi nalunaaqurrup akunneri atorineqartussat naatsorsuutigineqartut pillugit missiliuinerimik qaqugukkulluunniit qinnuteqarsinnaavoq. § 19-mi akuersissutit nassinneqarpata Avatangiisinut Naalakkersuisup aningaasartuutai inarneqassapput.

Imm. 3. § 9-mi taaneqartumi pilersaarutip akuersissutigineranut atasumik avataaniit siunnersorneqarnissamik pisariaqartitsisoqarnerisooq Avatangiisinut Naalakkersuisoq naliliissaaq. Taamaattoqarpata pisariaqartitsineq aamma avataaniit siunnersorneqarnissap annertussusia pillugu ilisimatitsissummik Avatangiisinut Naalakkersuisoq qinnuteqartumut

saqqummiussissaaq, pilersaarutip akuerineqarnissaa sioqqullugu. Avataaniit siunnersortimut aningaasartuutit tassaassapput siunnersortimiit aningaasartuutit piviusut.

Tusarniaaneq

§ 15. Atortussamut eqqarsaatigineqartumut tunngatillugu nassuiaat allallu paasissutissiinerit pillugit paasissutissat erseqqinnerusut sumi pissarsiarineqarsinnaasut pillugit Avatangiisinut Naalakkersuisoq qinnuteqaammik § 8 malillugu tamanut saqqummiussissaaq.

Imm. 2. Oqaaseqaatinik tamat saqqummiussinissaannut tusarniaanermi piffissaliussaq tassaavoq tamanut saqqummiussinermiit sapaatit akunneri arfineq pingasut.

§ 16. Atortut ingerlatallu nunat killeqarfii akimorlugit avatangiisinut sunniutininik nalilersuineq pillugu Isumaqatigiisummut 25. februar 1991-imeersummut (Espoo-mi isumaqatigiisut) ilaasut paasissutissat pillugit pisariaqartumik ilisimatitsineq, tusarniaaneq paarlaasseqatigiinnerlu Avatangiisinut Naalakkersuisumit suliap ingerlanera tamakkerlugu isumagineqassaaq.

§ 17. § 15 aamma § 16 naap., tusarniaareernerup kingorna ASN pillugu nassuiaammik sanaartortitsisoq iluarsaassissaaq, tamanna Avatangiisinut Naalakkersuisumit pisariaqartutut nalilerneqarpat.

Imm. 2. ASN pillugu nassuiaammik iluarsaassineq annertuppat Avatangiisinut Naalakkersuisoq kingumut tusarniaanermik ingerlatitseqqissaaq.

§ 18. Suliap Naalakkersuisunut saqqummiunnissaa sioqqullugu aalajangiinissatut naatsorsuutigisaaq pillugu Avatangiisinut Naalakkersuisoq kommunalbestyrelsimut imaluunniit kommunalbestyrelsinut pineqartunut ilisimatitsissaaq.

Akuersineq

§ 19. ASN pillugu nassuiaat aamma tusarniaanermi akissutit tiguneqartut tunuliaqutaralugit nassuiaammi allaaserineqartutut atortup pilersinneqarnissaanut, allilerneqarnissaanut allanngortinneqarnissaanulluunniit akuersisoqassanersoq Naalakkersuisut aalajangiissapput.

Imm. 2. Nassuiaammi takutinneqartutut ajortumik sunniutit peerneqarnissaannut imaluunniit annikillisinneqarnissaannut pisariaqartinneqartunik atortup pilersinneqarneranut ingerlanneqarneranullu piumasaqaatinik akuersissut imaqassaaq.

Imm. 3. Atortup ikkussukkallu atorunnaarsinneqarnerannut tunngatillugu piumasaqaatinik akuersissut imaqassaaq, tassunga ilanngullugu peerneqarnissaanut pilersaarutit.

Imm. 4. Akuersissut uku pillugit piumasaqaatinik imaqassaaq:

1) Aniatitsinermi aamma aniatitsinermi killiliussat nalingi, sananeqaatinik mingutsitsisunik silaannarmut aniatitsisoqartillugu igitsinermi ataatsimi silaannap annertunerpaaffissaa aamma igitsinerup portussusissaa.

- 2) Kangerlunnut imaanullu sananeqaatinik mingutsitsisoqartillugu igitsinernut tamanut erngup minguttup annertunerpaamik annertussusissaa, kiisalu imermik nillorsaammik aniatitsinermi tigooraasup pissusissamisoortumik kissassusianut naleqqiullugu erngup nillorsaatip aniatinneqartup kissassusissaata qaffasinnerpaaffissaanut killiliussaq.
- 3) Nipiliornermi killilissat.
- 4) Suliffeqarfiup isumagisassaanut nammineq nakkutilliinissamut piunasaqaatit, tassunga ilanngullugit uuttuutini naatsorsuinernilu periutsit atorneqartut allanneqarneri, uuttuinerit akulikissusii, nalit killiliussat eqqortinneqarnerinut nalilersuinermi periuseq, nammineq nakkutilliinermi inernerit nalunaarutigineqarnerinut piffissat, kiisalu misiligutissanik tiguserit misissuinerillu suliffeqarfimmit nammineq isumagineqarsinnaansut imaluunniit laboratoriamit piginnaatinneqartumit isumagineqassanersut. Suliffeqarfik misissuineri nammineq aningaasartuutunik akiliissappat, tamanna uparuarneqassaaq.
- 5) Nunap, qaqqap, nunap ilusaata, erngup, kuup, tatsit, sermit imallu illersorneqarnissaanut piunasaqaatit.
- 6) Suliffeqarfimmi eqqakkat passunneqarnissaannut toqqorsimanissaannullu piunasaqaatit, tassunga ilanngullugu eqqaqqat suliffeqarfimmi toqqorsimaneqarsinnaasut annertunerpaaffissaasa allanneqarnera.
- 7) Tipimit akornutaasut killeqartinnissaannut piunasaqaatit.
- 8) Ingerlatsinermi pissutsinut nalinginnaasuunngitsunut suliffeqarfiup qanoq pissusilermissaa pillugu piunasaqaatit.
- 9) Suliffeqarfiup avatangiisinnut annertuumik mingutsitsinnginnissaata qulakkeernissaanut pisariaqartunik suliffeqarfiup aaqqissuunneqarneranut ingerlatsinernullu piunasaqaatit allat, tassunga ilanngullugu ajutoornermi.
- 10) Ingerlatsinerup unitsinneqarnerani suliffeqarfimmit unitsinneqartumiit mingutsitsinikkut ulorianartorsiortitsisinnaaneq pinngitsoortinniarlugu aaqqiinerit pisariaqartut isumaginissaannut piunasaqaatit.

Imm. 5. Imm. 4, nr. 1-imi aniatitsinermi killiliussat taaneqartut atortumiit aniatinneqarnerini piffissamut aalajangersarneqassapput, aamma kimikillisarsinnaanerat sioqqullugu. Aniatitsinermi killiliussat nalit uuttuutunik allanik ilaneqarsinnaapput imaluunniit taarserneqarsinnaallutik assersuutigalugu nalinik B-nik. Aniatitsinermi killiliussat nalit aamma uuttuutit allat atortorissaarut pissarsiarineqarsinnaasoq pitsaanerpaaq tunngavigalugu aalajangersarneqarsinnaapput, periutsit atortorissaarutilluunniit aalajangersimasup atorneqarnissaa aalajanginngikkaluarlugu.

Imm. 6. Akuersissummi piunasaqaatit nalunaarutigineqartut pituttuisuupput.

Imm. 7. Akuersinermut piunasarineqarsinnaavoq suliffeqarfiup tungaaniit Avatangiisinut Naalackersuisumut nalunaaruteqartussaataaneq, soorlu aamma avatangiisinik ingerlaavartumik misissuinermik suliffeqarfiup ingerlatsinera imaluunniit akiliuteqarnera pillugu piunasaqaatinik aalajangersaasoqarsinnaasoq.

§ 20. Akuersineq aallaaviatigut piffissamut killilingaangilaq.

Imm. 2. Akuersineq piffissamut killilingaasinnaavoq.

Imm. 3. Akuersineq piffissamut killilingaappat tamanna akuersissummut tamarmiusumut aamma akuersinerup ilaanut ataasiakkaanut atuutsinneqarsinnaavoq.

Imm. 4. Piffissamik killiliinerup atorneqarnerani akuersissummi:

- 1) akuersissutip atorunnaarneranut piffissaq ilisimatitsissutigineqassaaq,
- 2) piffissap killilerneqarneranut immikkut tunngavilersuummik imaqassaaq.

§ 21. Naalackersuisut akuersinermi nakkutilliinermilu oqartussatut atortunik sanaartornermi qularnaveeqqusiisoqarnissaa pillugu piunasaqaateqarsinnaapput, atortup ikkussukkallu peerneqarnerinut aningaasartuutit 5 millionit qaangersimappatigit.

§ 22. Avatangiisinut Naalackersuisup atortup pilersinneqarnissaanut, allilerneqarnissaanut allangortinneqarnissaanulluunniit akuersissut pillugu aalajangiineq tamanut nalunaarutigissavaa aamma naammagittaalliuteqarsinnaaneq pillugu ilisimatitsilluni.

§ 23. § 22-mi taaneqartumi aalajangiinerup tamanut saqqummiunneqarnera Namminersorlutik Oqartussat pisortatigoortumik nittartagaatigit isumagineqarsinnaavoq. Nuna tamakkerlugu illoqarfinnilu tusagassiuutini ilanngussisoqassaaq.

§ 24. Nalunaarut una malillugu akuersineq atorunnaassaaq nalunaaruteqarnerup kingorna ukiut sisamat qaangiutsinnagit taanna atorneqarsimangippat.

Imm. 2. Atortup pilersinneqarnera allangortinneqarneraluunniit aallartinneqarsimappat akuersineq atorneqarsimassaaq.

Imm. 3. Akuersinerup nutarterneqarnera atortumut pilersaarummut aalajangersimasumut siusinnerusukkat akuersisimanermik tunngaveqassaaq, nassuiaat sulii naleqquppat.

§ 25. § 19 naap., akuersinerup kingorna ukiut arfineq pingasunik sivisunerusut ingerlasimappata nutaamik akuersisoqarneratigit tamatumunnga piunasaqaatit Naalackersuisunit allangortinneqarsinnaapput, avatangiisitigit tunngavissaqarpat, imaluunniit saleeriaatsit pitsaanerusut imaluunniit tunisassioriaatsit annikinnerusumik mingutsitsisinnaasut ineriartortinneqarsimappata.

§ 26. Imermik minguttumik kuummut, tatsinut imaanulluunniit aniatitsinissamut avatangiisit illersorneqarnerat pillugu Inatsisartut inatsisaanni nr. 9, 22. november 2011-meersumi kingusinnerusukkullu allannguuteqartumi kapitali 4 malillugu akuersissut suliarineqassaaq peqatigisaanillu nalunaarut una malillugu akuersissut pillugu aalajangiineq akuersissummut tamarmiusumut ilaatinneqarluni.

§ 27. Nalunaarut una malillugu akuersissut akuersissutinik pisariaqartunik imaluunniit inatsisit atuuttut allat malillugit akuersissutinik sanaartortitsisup pissarsiniarnissaanut pissaaajunnaarsitsinngilaq, tassunga ilanngullugu avatangiisit illersorneqarnerat pillugu inatsisartut inatsisaat, pinngortitap illersorneqarnera pillugu inatsisartut inatsisaat, pilersaarusiorneq nunaminertamillu atuneq pillugu inatsisartut inatsisaat, eqqissimatitsineq

pillugu inatsisartut inatsisaat aamma allatigut kulturikkut eqqaassutissat kulturikkut kingornussat illersorneqarnissaat, kommunini ileqqoreqqusat aamma malittarisassat il.il.

§ 19 malillugu atortunik akuerineqartunik avatangiisitigut nakkutilliineq

§ 28. § 19 malillugu atortunik nakkutilliinermi nakkutigineqartup aamma tamanut ammasup mittarfiup imaluunniit heliportip ilaasunik angallassiffiusup qaninnerpaap akornanni assartuinnermut atasumik, kiisalu nakkutilliisut sumiiffimmi nakkutilliiffiusumi najugaqarnerannut aamma atortup sunnerfigisinnaasaani nunami eqqaaniittumi assartuisinnaanermut aningaasartuutit naammaginatut sanaartortitsisumit akilerneqassapput.

Imm. 2. Nakkutilliinermut atasumik nakkutilliinerup annertussusissaa Avatangiisinut Naalackersuisumit nalilerneqassaaq, tassunga ilanngullugit peqataasut sivisussaalu aamma tamanna pillugu sanaartortitsisumut ilisimatitsissalluni.

Peqqussut inerteqqullu

§ 29. Akuersissummut piunasaqaatinik, § 19, imm. 2-4 naap., unioqqutinneqarpata, taamaalilluni suliffeqarfik, atortoq imaluunniit aaqqissuussaq Avatangiisinut Naalackersuisumit annertuutut missiliorneqartumik mingutsitsinermik kinguneqartitsilluni, imaluunniit akuersinermi aalajangersarneqartumik qaangiisoqarpat, iluaqusiiniarluni aaqqiissutissat pilersinneqarnissaannut Avatangiisinut Naalackersuisoq peqqusisinnaavoq.

Imm. 2. Peqqussutitut nalunaarutigineqartoq piffissaliussap aalajangerneqartup iluani malinneqanngippat, oqartussaq peqqussummik tunniussisimasoq, sanaartortitsisup akisussaasup akiligaanik aaqqiinissaq suliaritissinnaavaa.

§ 30. Mingutsitsineq iluarsineqarsinnaanngippat, imaluunniit § 29 malillugu peqqussut unioqqutinneqarpat, ingerlatsinerup ingerlaannarnissaanut Avatangiisinut Naalackersuisoq inerteqquteqarsinnaavoq aamma suliffeqarfiup, atortup imaluunniit aaqqissuussinerup peerneqarnissaa piunasarinnaallugu.

§ 31. Annertuumik mingutsitsinissaq taassumaluunniit annertunerusumik siaruarnissaata pinngitsoortinnissaanut ingerlaannartumik akuliunnissaq pisariaqarpat Avatangiisinut Naalackersuisoq sinnerlugu Kommunalbestyrelsi peqqussummik inerteqqummilluunniit pisariaqartumik ingerlaannartumik nalunaaruteqarsinnaavoq tamatumalu kingorna Avatangiisinut Naalackersuisumut nalunaaruteqarluni.

Imm. 2. Imm. 1 malillugu peqqussummik imaluunniit inerteqqummik Kommunalbestyrelsip nalunaaruteqarneraniit kingusinnerpaamik ullut 14-it qaangiutsinnagit aalajangiinerup atatiinnarnissaanut Avatangiisinut Naalackersuisoq peqataasunut nalunaaruteqarsimannngippat, peqqussut inerteqqulluunniit atorunnaassaaq.

§ 32. § 20 naap., akuersissutip piffissami atuuffiani §§ 29-20 malillugit peqqussummik imaluunniit inerteqqummik taamaallaat nalunaaruteqartoqarsinnaavoq:

- 1) akuersissummi piumasagaatit unioqqutinneqarsimappata,
- 2) mingutsitsinerup ajoqusiisumik sunniutai pillugit paasissutissanik nutaanik pingaaruteqartunillu saqqummertoqarsimappat,
- 3) akuersissutip nalunaarutiginerani siumut oqaatigineqarsinnaangitsunik mingutsineq avatangiisitigut annertuumik ajoqusiisumik sunniuteqartumik kinguneqarsimappat, imaluunniit
- 4) mingutsitsinerup allatigut akuersinermi tunngavigineqartut annertuumik qaangersimappagit.

Naammagittaalliutit

§ 33. Nalunaarut una malillugu aalajangiinerit tamarmik avatangiisinik illersuineq pillugu inatsisartut inatsisaanni nr. 9, 22. november 2011-mi, kingusinnerusukkut inatsisartut inatsisaatigut nr. 1, 29. maj 2012-meersumi kapitali 14-mi maleruagassat malillugit naammagittaalliutigineqarsinnaapput.

Pineqaatissiinerit

§ 34. § 5, imm. 1-imik, § 5, imm. 2-mik, § 5, imm. 3-mik kiisalu § 7-mik unioqqutitsinernut kiisalu § 6, imm. 1, § 6, imm. 2, § 29, imm. 1, § 30, § 31, imm. 1aamma § 32 malillugu peqqussutinik inerteqqutinilluunniit saneqqussinernut akiliisitsisoqarsinnaavoq.

Imm. 2. § 19 malillugu piumasagaatinik aalajangersarneqarsimasunik unioqqutitsisoqartillugu akiliisitsisoqarsinnaavoq.

Imm. 3. Kalaallit Nunaanni Pinerluttulerinermi inatsimmi maleruagassat malillugit inatsisitigut akisussaasoq akiliisinneqarsinnaavoq.

Imm. 4. Imm. 1-3 malillugu aalajangersarneqartut akiliisitsinerit Nunatta Karsianut tutsinneqassapput.

Atulersitsineq il.il.

§ 35. Nalunaarut una aprilip aallaqqaataani 2013-mi atuutilerpoq.

Imm. 2. Atortut nalunaarutip atulersinnerani nunaminertamik tunineqarsimasut nalunaarummut matumunga taamaallaat ilaassapput atortut taakku allanngortinneqarpata imaluunniit allilerneqarpata.


Imm. 3. Nalunaarutip atulersinneqarnera sioqqullugu pinngortitamik illersuineq pillugu inatsisartut inatsisaat nr. 29, 18. december 2003 malillugu pinngortitamut kingunissaanik nalilersuinerimik suliaqarnissamik peqquneqarsimasunut nalunaarut una atortunut atuutinngilaq, taamaattorli imm. 4 tak.

Imm. 4. Imm. 3-mi taaneqartut atortut allanngortinnerini allilerneqarneriniluunniit nalunaarut atuuppoq.

Imm. 5. Atortup pilersinneqarnera, allanngortinneqarnera allilerneqarneraluunniit nalunaarut una malillugu akuerineqarpat suliffeqarfiit il.il. mingutsitsinerusut avatangiisinik atuinerat

pillugu Namminersornerullutik Oqartussat nalunaarutaat nr. 11, 20. august 2004-meersoq
malillugu akuersinissamut piumasaqaat atorunnaassaaq.

Namminersorlutik Oqartussat, ulloq 27. marts 2013



Anthon Frederiksen

/



Hans Erik Bresson

Ilanngussaq 1

Atortut, § 5 imm. 1-imut aamma imm. 2-mut ilaasut tassaapput atortut allattuiffimmut matumunga ilanngunneqarsimasut:

1. Uuliamik akuiagaanngitsumik akuiavaaiit (atortulli uuliamit akuiagaanngitsumiit uulialiortut ilanngunnagit) aamma aamarsuarnik imaluunniit skiferi asfaltimik akulik ullormut minnerpaamik 500 tonsimik eqikkaanermut atortut.
2. Nukissiorfiit akuerisaasut, allat ikuallaaviit atorlugit nukissiorfiit kiisalu atomip nukinganik nukissiorfiit allallu atomik nukinganik nukissiorfiit.
 - a) Nukissiorfiit akuerisaasut aamma allat ikuallaaviit atorlugit nukissiorfiit minnerpaamik 120 MW-imik kissassutsimik pilersitsisinnaasut kiisalu
 - b) Atomip nukinganik nukissiorfiit allallu atomik nukinganik nukissiorfiit, tassunga ilanngullugit atomip nukinganik nukissiorfinnik taamatut ittunik matusineq.
3. Atortut, atomimik ikummatissanik sanaartornermut imaluunniit atorsinnaasunngortitsinermut sananeqarsimasut, atomimik ikummatitut atorneqarsimasunik katersuiffiusut imaluunniit igitassanik radioaktiviusunik toqqorsiviusut, eqqaaviusut aamma suliarinniffiusut.
4. Saviminerit kuisassat sisammillu aatsisinermut aamma saviminerunngitsunik sanaartornermut atortut anginerusut. Tassunga ilanngullugit saffiugassanik imaluunniit atortussiassanik pingaannerusunik saviminernik, akuutissanik imaluunniit elektrolysi iluaqutigalugu piiaanermi atortut.
5. Asbestimik piaanermut aamma asbestimik aamma tunisassianik asbestimik akoqartunik suliarinninnermi piareersaanermullu atortut:
 - a) asbestcementimi tunisassiat eqqarsaatigalugit, ukiumut tunisassiorneq 20.000 tonsit sinnerlugit tunisassiat;
 - b) akimmisaarutit pakningit eqqarsaatigalugit, ukiumut tunisassiorneq 50 tonsit sinnerlugit tunisassiat;
 - c) asbestinut allanut atorneqartussat eqqarsaatigalugit, ukiumut tunisassiorneq 200 tonsit sinnerlugit tunisassiat.
6. Kemiimut tunngasut atortut akuleriit, tassa kemii atorlugu sananeqaatinik allannngortitsineq suliffissani sanaartornermi atortunut.

7. Motorvejinik, aqqusinernik motorilinnik angallaffiusunik, ungasissumut angallaffiusunik qimuttuitsut aqquataannik kiisalu minnerpaamik 2.100 meterimik takissusilimmik mittarfilimmik mittafeqarfinnik nutaanik sanaartorneq.
8. Uuliamut gassinullu ruujorsuit annertuumik diameterillit. Gassimik imaluunniit uuliamik assartuineranut ruujorit 500 mm sinnerlugu silataatigut diameterillit aamma 5 km sinnerlugu takissusillit.
9. Imaatigut niuernermit umiarsualiviit kiisalu nunap iluani umiartornermut umiarsualiviit, umiarsuarnit 1.350 tonsit sinnerlugit angissusilinnit tulaffigineqarsinnaasut.
10. Ikuallaanikkut, kemiit atorlugu suliarineqarlutik eqqakkanik toqunartulinnik ulorinartunilluunniit igitsinermit atortut imaluunniit eqqaavissuarmut inissiinerit.
11. Sapusiat annertuut tasiallu aamma imermik katersuineranut toqqorsinermulluunniit atortut allat, imeq katersorneqartoq toqqorneqartorluunniit nutaaq ilassutaasorluunniit 10 mio. m³ sinnersimappagu imaluunniit erngup annertussusaa 300 ha-mik annertunerumilluunniit annertusineqarpat.
12. Imermut pissarsiarineqartumut atortut, imeq pissarsiarineqartoq ukiumut 10 mio. m³-mik taassuminngaluunniit annertuneruppat.
13. Pappiaranik sanaartornermut atortut aamma pappiarat silaannarmi panersinneqarsimasut 200 tonsinik taakkuluunniit sinnerlugit ullormut annertutigisut.
14. Benzinaamat, petrokemiimut aamma kemii atorlugu tunisassianut 10.000 m³ annertunerumilluunniit annertussusilinnut toqqorsiviit anginerusut.
15. Nunap ilaanik ukiunik 20-nik pisoqaanerusunik aamma piffissaq ukiut pingasut sinnerlugu 10 ha sinnerlugu orpinnik piiaaneq.
16. Ilanngussami matumani allanneqarsimasunik pilersaarutinik allannguinerit allilerinerilluunniit tamarmik, taamatut allannguneq allilerinerluunniit ilanngussami matumani aalajangersarneqarsimasut killiliussanik naammassinnittut. tsilersimasut pillugit paasissutissat.

Ilanngussaq 2

Atortut, § 5 imm. 1-imut aamma imm. 3-mut ilaasut tassaapput atortut allattuiffimmu matumunga ilanngunneqarsimasut:

1. Attaveqaatit

- a) Mittarfiit aallarfeqartut mittarfeqartullu.
- b) Qulimiguulinnut mittarfiit aalajangersimasut.
- c) Umiarsualiviit aalajangersimasut.
- d) Aqqusinniorneq nunaannakkut katillugu 2000 meteri sinnerlugu takissusilimmik ingerlaarfigineqartussatut eqqarsaatigineqartoq.
- e) Innaallagissap sarfaata sakkortuup aqputai 10 kV sinnerlugu spændingilinnut minnerpaamik 2000 meterimik sanaartorneqartut.
- f) Avataatigut 30 cm sinnerlugu diameterilinnik ruujorinik erseqqissunik 1000 me sinnerlugu isorartutigisumik ikkussuineq.
- g) Sulluliarsuit 100 m sinnerlugu takissusillit.
- h) Majuartaatit nivingasut.

2. Eqqakkanik passussineq

- a) Ikuallaanikkut, imaluunniit ullormut 15 tonsit sinnerlugit toqqorsinikkut eqqakkanik ulorianangitsunik igitsinermi atortut.

3. Imissaqarfii

- a) Imissamik pissarsiffigineqarsinnaasut akornanni imissaqarfinnik nuussinermi atortut.
- b) 1 MW sinnerlugu piginnaasaqartunut erngup nukinganik nukissiorfinnut naatsorsuutigineqartunut sapusiat tasialiillu.

4. Nunalerineq, uumasuuteqarneq, orpippassualerineq, aalisakkanik uumatitsivik

- a) Uumasunut 50-it sinnilinnut uumasunik tunisassiornermi atortut.¹
- b) Nunaleriffinnik katiterinermut tunngasut pilersaarutit, tassani nunaateqarfii pingasunit amerlanerusut ilaallutik, aamma avatangiisitigut allannguisoqarneranik kinguneqartut.

¹ Kukkukuumiit, puulukiimiit nersussuarmiillu naggorissaatit assigiinngitsumik annertussuseqarput. Avatangiisinut sunniutit pillugit ataatsimoortumik taaguuteqarnissaq anguniarlugu uumasut ataatsimoortut atorneqarput. Qallunaat ilitersuutaat tamatuma naatsorsornissaanut atorneqarput.

- c) 5 ha sinnerlugu nunalerinermik ingerlatsinermut nunamik ilanngussinermut tunngasut pilersaarutit.
- d) 10 ha sinnerlugu piffissarlu ukiut pingasut qaangerlugit orpinnik nutaanik ikkussuineq.
- e) Nunami aalisakkanik tukertitsivik.
- f) Uumasunik nunaannarmukartitsineq, tassunga ilanngullugit savat, tutut, umimmaat igutsaallu.

5. Takornariaqarneq sunngiffillu.

- a) Sisorartut illerni, sisorartut majuartarfii, majuertaatit nivingasut tassungalu atasut sanaartornerit.
- b) Illoqarfiup avataani illoqarfiit feeriarfiit, hotel, vandrehjemmit taakkunungalu atasut sanaartornerit.

6. Nukissiornikkut suliffissuit.

- a) Nukissiorfiit kiassaateqarfiillu 4 MW-imik taannalu sinnerlugu sunniuteqartut.
- b) 1 KW sinnerlugu erngup nukinganik nukissiornermut atortut.
- c) Anorisaatit 10 m sinnerlugu portussusillit.

7. Saffiugassanik tunisassiorneq suliarinninnerlu.

- a) Saviminerit kuisassat sisammillu aatsisinermut aamma saviminerunngitsunik sanaartornermut atortut anginerusut. Tassunga ilanngullugu saffiugassanik imaluunniit atortussiassanik pingaannerusunik saviminernik, akuutissanik imaluunniit elektrolysi iluaqutigalugu piiiaanermi atortut

Ilanngussaq 3

Atortoq § 5, imm. 4-mut ilaansoq nalilerniarnerani piumasaqaatit:

1. Atortup qanoq ittuunera

Atortup qanoq ittuunerani pingaartumik ukununnga naleqqiullugu isigineqassaaq:

- atortup angissusaa
- pilersaarutitut allanut sunniuteqarnera
- pinngortitami isumalluutit atuneq
- eqqakkanik pilersitsineq
- mingutsitsineq akornutillu
- ajutoornermi aarlerinartut, pingaartumik sananeqaatit atortorissaarutillu atorneqartut eqqarsaatigalugit.

2. Atortup inissisimaffia

Nunap ilaani avatangiisitigut sunnertiasut, atortumit eqqorneqarsinnaasut, eqqarsaatigineqassapput, pingaartumik:

- maannakkut nunaminertamik atuneq
- pinngortitami isumalluutit pusuussutai, pitsaassusai aamma nunap ilaani pinngorteqqissinnaaneri
- pinngortitami avatangiisit atasinnaassusai immikkoortut uku pingaartumik isiginiarlugit:
 - a. masarsoqarfiit
 - b. sineriak
 - c. qaqqarfiit
 - d. nuna allanngutsaaliugaq
 - e. nunap ilai, nunami inatsisikkut nalunaarsorneqarsimasut, illersugaasut imaluunniit eqqissisimatitaasut, tassunga ilanngullugit sumiiffiit timmissanik illersuiffiusut aamma neriniarfiusut
 - f. nunap ilai, avatangiisitigut pitsaassutsit ileqqunik aalajangersarneqarsimasut qaangerneqareersimasut
 - g. nunap ilai inuppassuallit
 - h. nunap isikkui pingaaruteqartut oqaluttuarisaaneq, kulturikkut, qangarnitsatigut, kusanassutsikkut imaluunniit nunap sananeqaataatigut isigalugit.
 - i. naasut uumasullu (imaani avatangiisit ilanngullugit)
 - j. avatangiisitigut sunnerneqarsinnaasut allat

3. Avatangiisitigut sunnerneqarsinnaasunut ilisarnaatit

Atortup imaluunniit ingerlatap annertuumik sunniutigisinnaasai qulaani 1-imi aamma 2-mi allassimasut piunasaqaatinut atatillugit isigineqassapput pingaartumillu uku eqqarsaatigalugit:

- sunniutaasut annertussusaat (nunap immikkoortuani nuna aamma inuit eqqorneqartut amerlassusaat)
- sunniutaasut killigisakkanik qaangiineri
- sunniutaasup annertussusaa aamma ataatsimoortuuneri
- sunniutaasup ilimanartuunera
- sunniutaasunik sivisussusaa, akulikissusia aamma allamut saatinneqarsinnaanera.

4. Atortumut aalajangersimasumut tunngatillugu pissutsit allat, avatangiisinut annertuumik sunniuteqartussatut naatsorsuutigineqarsinnaasut.

Ilanngussa q 4

§ 10, imm. 3 malillugu paasissutissat nassuiaammut ilaasussat:

1. Atortup eqqarsaatigineqartup pilersaarummi immikkoortui tamaasa ilanngullugit allaaserinera, pingaartumik tassunga ilanngullugit:

1.1. Atortup ilusaanik aamma ilisarnaataanik kiisalu sanaartornerup ingerlatsinerullu nalaani nunaminertamik atuinissamik pisariaqartitsinerup allaaserineqarnera, tassunga ilanngullugu atortup nunap assingani inissineqarnera uuttortaait naleqquttut atorlugit.

1.2. Tunisassiornerup ingerlaneranut ilisarnaatit pingaaruteqartut allaaserineqarneri, assersuutigalugu atortut atorineqartut qanoq ittueneri annertussusaalu, tassunga ilanngullugu tunisassiornerup ingerlanerani aarlerinartoqarnerasoq imaluunniit allatigut avatangiisinut ajoqusiisinnaasoqarnerasoq.

1.3. Pilersaarutip siunnersuutigineqartup ingerlanneqarneranut atatillugu tunisassiornermi atortut sinneri aniatitsinerillu qanoq ittueneri annertussusaalu naapertorlugit naatsorsuinerit (imermik, silaannarmik nunamillu mingutsineq, nipiliorneq, sajukulaarnerit, qaamaneq, kissaq il.il.).

1.4. Pinngortitami pissutsit atortumut sunniuteqarsinnaaneriniq allaaserinninneq. Tassunga ilanngullugit ilaatigut nuna qeriuannartoq aamma pinngortitami ajunaarnersuarmi aarlerinartut (qarsutsinerit, nunap sisoornera, aputip sisoornera il.il.).

2. Periarfissat pingaaruteqartut, sanaartortitsisup misissorsimasai pillugit takussutissiaq, aamma avatangiisimut sunniutit eqqarsaatigalugit periarfissap allap toqqarneqarneranut tunngavilersuutit pingaarnerit pillugit paasissutissat.

Aammattaaq periarfissat aamma inissinnissaanut periarfissat allat suunersut takuneqarsinnaassaaq, taakku saniatigut misissorneqarsimasut, atortup naammassineqannginnerata kingunissaanik allaaserinninneq, kiisalu avatangiisinut sunniutit eqqarsaatigalugit periarfissanik toqqaanermi tunngavilersuutit pingaarnerit pillugit paasissutissat.

3. Atortumit kissaatigineqartumit annertuumik eqqorneqartussat avatangiisit allaaserineqarneri. Atortup avatangiisinut annertuumik sunniutissaanik allaaserinninneq, tassunga ilanngullugu pingaartumik ukununnga sunniutit:

1) Inuup nunap ilaanik atuinera, tassunga ilanngullugu inuit peqqissusiannut sunniutit

- 2) Naasut uumasullu,
- 3) Nuna, qaqqat, sermeq, imeq, silaannaq, silap pissussaa aamma nunap ilusaa
- 4) Inuulluatissat aamma
- 5) Ingerlatamut atatillugu assartuinerup annertuussusaa, illup titarneqarnera, nunap ilusaa, sunniutit takuneqarsinnaasut, inuit tassunga isersinnaanerat.

Pissutsit qulaani taaneqartut akornanni ataqatigiinnernut nassuiaat isummersusaaq.

Naasunut uumasunullu sunniutinik allaaserinninnermut ilaassapput naasunut uumasunullu nungunneqariaannarnut, sunnertiasunut, qaqutigooortunut imaluunniit eqqissisimatineqartunut imaluunniit nunanut tamalaanut atatillugu Kalaallit Nunaata akisussaaffigisaanut uumasunut sunniutit.

Innuttaasunut sunniutinik allaaserinninnermut ilaassapput innuttaasunut sunniutit suuneri qanorlu annertutigisinnaaneri, tassunga ilanngullugit siunissami qaninnerusumi siunissamilu ungasinnerusumi taakku peqqinnissaakkut qanoq ittuuneri.

Atortup ajunngitsumik ajortumillu sunniutai nassuiaammi allanneqassapput, toqqaannartunut, toqqaannangitsunut, pingaannginnerusunut, sivitsoriartornermi sunniutit aamma piffissami qaninnermi ungasinnermilu ataavartumillu sunniutit.

Atortoq eqqarsaatigineqartoq nunap ilusaata imaluunniit kangerluup immallu qanoq ittuuneranik allanngornermik kinguneqassasoq imaluunniit pinngortitamut, tassunga ilanngullugu uumasut nujuartat naasullu, annertuumik sunniuteqassasoq naatsorsuutigineqarsinnaappat pinngortitamut sunniutinik nalilersuinnermut piumasqaatit qanoq ASN pillugu nassuiaammi ilanngunneqarsinnaaneri sanaartortitsisup eqqarsaatigisariaqarpai, pinngortitamik illersuineq pillugu Inatsisartut inatsisaanni nr. 29, 18. december 2003-mi § 41 naap.

4. Atortup siunissami qanittumi aamma siunissami ungasinnerusumi avatangiisinut sunniutaanik allaaserinninneq, uku kingunerisaannik:

- 4.1. Imernut saqqumiinnartunut sunniutit.
- 4.2. Silaannakkut mingutsitsineq.
- 4.3. Nipitigut ajoqusiisinnaaneq.
- 4.4. Pinngortitami atortussianik atuineq.
- 4.5. Sananeqaatinik mingutsitsisunik aniatitsineq, akornusiillu ajoqusiisinnaanerit allat kiisalu eqqakkanik igitsineq.
- 4.6. Avatangiisinut sunniutit siumut naatsorsornerini periutsit suut atorneqarnerinik allaaserinninneq.

5. Avatangiisimut ajoqusiilluni sunniutit pinngitsoortinnissaat, appartinneqarnissaat ajornanngippallu suujunnaarsinnissaat siunertaralugu aaqqiinerit suut atorneqarnissaannik eqqarsaatit allaaserineqarneri. Atortup pilersinnerata tamaaniinneratalu malitsigisaanik avatangiisinut pinngortitamullu sunniutit qanoq aamma qanoq annertutigisumik nakkutigineqarnissaat pillugu paasissutissiineq.

6. Paasissutissat qulaani taaneqartut tunngavigalugit teknikimut tunngasuunngitsumik eqikkaaneq, pisariaqartitsineq malillugu takuneqarsinnaasunngorlugit saqqummiussineq (nunap assinga, titartakkat il.il.)

7. Paasissutissatigut amigaataasinnaasut aamma avatangiisinut sunniutinik nalilersuineq pillugit takussutissiaq.

8. Avatangiisinut sunniutit nalilersornerinut atasut nalorninartut/paasissutissat pitsaassusaannik nalilersuineq.

9. Nassuiaammut kikkut tamat ilanngutitinneqarneri pillugit paasissutissat aamma kikkut tamat siunnersuutaat, oqaaseqaataat akerliliinerilu saqqummiunneqartut aamma sanaartortitsisumut pissutissaqartitsilersimasut pillugit paasissutissat.